

# Хаврин загъс бярлгънд белдвр

Прикаспийск загъсна комбинатин флотин кӧдлмшчнр Декларац болн тӧвкнӱн бӧӧлгънӧ Манифест дасдж, эн нарт делкӧн документсӧс иштӧ ӧӧдӧн даалгъврмуд авцхав.

Флотин кӧдлмшчнр загъс бӧрдг савмуд яслгъна кӧдлмшӧн 65—70 процент кӱргӧд кечкв. Загъс бӧрдг савмудин ясвриг март сард чилӧх урднӱ авгдсн даалгъвран шинӧс хӧлӧгъӧд, ода болхла Советск цергин ӧдр—февраль сарин 23

кӱртл цуг ясврин кӧдлмшӧн чилӧх болдж шиидцхӧв.

Ясврин кӧдлмшт урчуд, ӱӱрмӱд С. Чилинов, Эрдни-Гаряев, Гусев болн нань чигн улс нӱӱрт йовцхана.

Эн авгдсн ӧӧдӧн даалгъвр кӱцӧгдхт, комбинатин гардач улс, пӧртийн, профсоюзн организацс, кӧдлмшчнр дунд сӧн гардвр бӱрдӧдж, кергтӧ тоот материаларнӱ таслвр угагъар тетквр бӱрдӧцхӧх зӧвтӧ.

С—Г. ГОШЕНДАНОВ.